



## Budget 2020–21

# Budžet na prvi pogled

## Niži porezi za vrijedne Australce

U ovom budžetu, Vlada daje dodatnih 17.8 milijardi dolara poreznih olakšica na dohodak kako bi se pomoglo ekonomskom oporavku, uključujući i dodatnih 12.5 milijardi dolara tokom narednih 12 mjeseci. Ovo je dodatno na porezne olakšice od 8.1 milijardi dolara koje će biti primijenjene na prihod u 2020-21 godini prema već propisanom Planu poreza na dohodak građana.

Na osnovu ovih vladinih promjena pojedinci će imati koristi od smanjenja poreza u 2. fazi ovog plana, kao i jednokratnu dodatnu korist od umanjenja poreza za niske i srednje prihode u 2020-21 godini.

## Podrška stambenoj izgradnji

Kao dio našeg plana ekonomskog oporavka za otvaranje radnih mjesta, obnovu ekonomije i

osiguravanje budućnosti Australije, dodatnih 10.000 kupaca svoje prve kuće/stana moći će ranije kupiti novu kuću/stan produženjem programa depozita za kredit za kupovinu svoje prve kuće/stana.

Dodatnih 10.000 mjesta bit će obezbijeđeno u 2020-21 godini kao pomoć u kupovini nove kuće/stana ili nove kuće/stana u izgradnji. To će omogućiti kupcima prve kuće da osiguraju zajam za izgradnju nove kuće/stana ili kupovinu novoizgrađenog stana sa depozitom od samo 5%, a Vlada garantuje do 15% kredita.

## Investiranje u infrastrukturu

Od početka pandemije COVID-19, Vlada se obavezala da će u naredne četiri godine uložiti dodatnih 14 milijardi dolara u nove i ubrzane infrastrukturne projekte. Ovi projekti će podržati dodatnih 40.000 radnih mjesta tokom njihove izgradnje.

Ova investicija je dio rekordnog desetogodišnjeg programa za ulaganja u saobraćajnu infrastrukturu, koji je proširen na 110 milijardi dolara i već pruža 100.000 radnih mjesta na radilištima širom zemlje.

## Podrška poslovanju i investicijama

Da bi podržala nove investicije i povećala novčani tok poslovanja, Vlada pruža privremeni porezni podsticaj, koji će biti dostupan za oko 3.5 miliona preduzeća (preko 99 posto preduzeća) koja zapošljavaju oko 11.5 miliona radnika. Ova inicijativa će se odnositi na investicije vrijedne oko 200 milijardi dolara, uključujući 80 posto ulaganja u sredstva za amortizaciju koja ne pripadaju rudarskim preduzećima. Od 19:30 sati (po australskom istočnom vremenu) 6. oktobra 2020. do 30. juna 2022. godine, preduzeća sa prometom do 5 milijardi dolara moći će odbiti puni iznos odobrenih sredstava za amortizaciju u bilo kojoj vrijednosti u godini kada su pribavljena. Troškovi unapređenja postojećih odobrenih sredstava za amortizaciju ostvarenih tokom ovog perioda također se mogu u potpunosti odbiti.

Vlada će također omogućiti kompanijama s prometom do 5 milijardi dolara da poravnaju gubitke u odnosu na prethodnu dobit na koju je plaćen porez, kako bi ostvare povrat novca. Prenos gubitka biće dostupno za oko milion kompanija koje zapošljavaju do 8.8 miliona radnika. Gubici nastali do 2021-22 mogu se prenijeti unazad u odnosu na dobit ostvarenu u 2018-19 ili kasnije. Preduzeća koja na ovo imaju pravo mogu odlučiti da će uzeti povrat poreza kada podnesu poreznu prijavu za 2020-21 i 2021-22 finansijsku godinu.

## Digitalna Australija

Pandemija COVID-19 ubrzala je usvajanje digitalnih tehnologija kod australskih preduzeća i potrošača, što je omogućilo mnogima da preinače svoje poslovanje i nastave raditi tokom krize.

Vladin digitalni plan poslovanja će se nadograđivati na ovom podstreku kako bi podržao još veće usvajanje novih tehnologija u cijeloj ekonomiji — kako od strane preduzeća tako i potrošača.

Dodatnih 4.5 milijarde dolara ulaganja u NBN Co donijet će ultra-brzu širokopoljnu vezu milionima porodica i preduzeća. Financiranje 29.2 miliona dolara također će ubrzati uvođenje 5G mreže.

## Poboljšanje lakoće poslovanja

Rezanje birokracije ključni je element vladinog plana ekonomskog oporavka za Australiju. Zbog toga Vlada olakšava preduzećima da investiraju, otvaraju radna mjesta, brzo reaguju na izazove i iskoriste mogućnosti.

U ovom budžetu, Vlada će:

- racionalizirati i digitalizirati široki spektar regulatornih procesa
- smanjiti regulaciju koja nameće nepotrebne troškove i otežava poslovnu aktivnost
- pružiti podršku malim preduzećima tokom njihovog oporavka

## Dodatak za zapošljavanje osoba koje primaju JobMaker plaćanje

Vladin novi dodatak za zapošljavanje osoba koje primaju JobMaker plaćanje pomoći će da se ubrza rast zaposlenosti tokom oporavka davanjem poticaja preduzećima da dodatno zaposle mlade ljude od 16 do 35 godina koji traže posao. Kreditiranje sredstava za zapošljavanje mladih koji primaju JobMaker ključni je dio vladinog plana za primaoce JobMaker u jačanju ekonomskog oporavka Australije.

Procjenjuje se da kredit za zapošljavanje osoba na JobMaker plaćanju **omogućuje oko 450.000 mjesta za mlade ljude** i koštat će 4 milijarde dolara od 2020-21 do 2022-23.

## Ulaganje u obrazovanje, vještine i šegrtovanje

Vlada smatra razvoj vještina visokim prioritetom u sklopu plana JobMaker. Ovakva predanost Vlade pomoći će da ljudi nađu posao i osigurati da Australci imaju prave vještine za buduće poslove.

- JobTrainer - rastuća radna snaga Australije
- Novi pripravnički staž koji će pomoći oporavku
- Pomoć onima koji traže posao
- Više diplomaca koji su spremni za posao
- Kratki kursevi za prekvalifikacije i usavršavanje kvalifikacija Australaca

## Pružanje ekonomske sigurnosti za žene

Vlada daje Izjavu o ekonomskoj sigurnosti žena 2020. kako bi se povećalo učešće ženske radne snage, poboljšao potencijal za zaradu i povećala ekonomska neovisnost. Paket od 240.4 miliona dolara pružit će mogućnosti zapošljavanja, podršku roditeljima i podršku ženama na radnom mjestu.

To uključuje programe zapošljavanja da se pruži podršku ženskom liderstvu i razvoju, kao i povećaju mogućnosti za žene u nauci, tehnologiji, inženjerstvu i matematici (STEM), biznisu i industriji u kojoj dominiraju muškarci.

## Podrška proizvodnji te istraživanju i razvoju

Pandemija COVID-19 osvijetlila je kritičnu važnost lanaca opskrbe i posjedovanja fleksibilne, prilagodljive i inovativne proizvodne sposobnosti.

Vladina moderna proizvodna strategija od 1.5 milijardi dolara je dugoročni plan za podršku australskog ekonomskog oporavka.

Vlada ulaže dodatnih 2 milijarde dolara kroz poreznu inicijativu za istraživanje i razvoj.

## Energetska sigurnost i reforme tržišta

Nacionalno, cijene električne energije u domaćinstvima pale su za 4.7% od decembra 2018. godine, a veleprodajne cijene električne energije su se smanjile u proteklih 12 mjeseci. Da bi održala niže cijene, Vlada će sarađivati s privatnim dobavljačima na povećanju otpremnih proizvodnih kapaciteta i s Nacionalnim kabinetom kako bi se osigurao efikasan i integriran sistem.

Vlada osigurava australske zalihe električne energije, goriva i plina kako bi održala niske cijene, otvorila nova radna mjesta i podržala lokalnu industriju.

## Podrška otpornim regijama

Vlada i dalje stoji uz regionalnu Australiju koja je izdržala poplave, požare, suše, a sada i COVID-19. Regionalnim paketom od više od 550 miliona dolara Vlada će pomoći našim regionima da se oporave od učinka COVID-19. Ovo se nadovezuje na podršku koju pruža Fond za pomoć i oporavak od COVID-19 u iznosu od milijardu dolara.

## Sigurnija i otpornija Australija

Vlada gradi vodovodnu infrastrukturu za 21. stoljeće, pomažući u poboljšanju sigurnosti vode, izgradnji regionalne otpornosti, otvaranju radnih mjesta i rastu našeg kritičnog poljoprivrednog sektora. Ulaganje u iznosu od 2 milijarde dolara za nove projekte u okviru Nacionalnog fonda za razvoj vodovodne infrastrukture potpomoći će sljedeću generaciju vodovodne infrastrukture putem Vodovodne mreže (Grid).

Vlada također ulaže 270 miliona dolara u investicioni paket Murray-Darling zajednica koji će unaprijediti zdravlje riječnog sliva uz podršku regionalnog razvoja.

Kako bi se osiguralo da Sjeverna Australija može i dalje imati korist od infrastrukture za podršku ključnim uslugama, Vlada je produžila Sredstva za

financiranje infrastrukture Sjeverne Australije (NAIF) za dodatnih pet godina, do juna 2026. godine, i proširila svoje kriterije kreditiranja.

## Zaštita našeg okoliša

Vlada ulaže 47.4 miliona dolara da zaštiti naše okeane i obnovi njihovo zdravlje i obavezuje se iznosom od 29.1 milion dolara kako bi se smanjio rizik od hemijske kontaminacije na tlu Komonvelta.

Vlada će uložiti 249.6 miliona dolara tokom četiri godine kako bi modernizirala infrastrukturu za reciklažu, smanjila količinu otpada i povećala reciklažu u Australiji.

## Sprječavanje, otkrivanje i liječenje COVID-19

U ovom budžetu Vlada ulaže 4.9 milijardi dolara za niz zdravstvenih mjera da bi Australci nastavili da primaju medicinsku njegu i podršku koja im je potrebna tokom pandemije. Fleksibilan i skalabilan odgovor omogućava zdravstvenom sistemu da reagira, štiteći sve Australce.

## Podrška Australcima tokom pandemije

Vlada pruža neviđenu finansijsku pomoć Australcima da bi im pružila podršku tokom-pandemije COVID 19, koja uključuje:

- plaćanje JobKeeper
- dodatne prihode za pojedince
- dva dodatna plaćanja ekonomske podrške penzionerima i drugim primaocima koji na to imaju pravo
- privremeni pristup sredstvima u fondu uplaćene penzije

## Vaša budućnost, vaš super (Your Future, Your Super)

Vlada je posvećena tome da uplaćena penzija (super) Australcima omogući bolju uštedu penzije.

Vladine reforme *Your Future, Your Super (Vaša budućnost, vaš Super)* su sljedeća faza vladinog programa reforme kojom će Australci uštedjeti 17.9 milijardi dolara tokom naredne decenije.

## Očuvanje sigurnosti Australaca

Australske mogućnosti kibernetičke (cyber) sigurnosti su jake, ali prijetnje s kojima se suočavamo na internetu se povećavaju. COVID-19 je pokazao koliko živimo i radimo online. Vlada će obezbijediti dodatnih 201.5 miliona dolara za realizaciju Strategije kibernetičke sigurnosti 2020.

Vlada podržava one koji nam osiguravaju zaštitu dodjelom 300.2 miliona dolara AFP-u da ojačaju svoje kapacitete tako da Australci budu zaštićeni u okruženju sve složenijih prijetnji.

## Podrška našoj regiji

Australija ima dubok i stalni interes za stabilnost, prosperitet i otpornost Pacifika i jugoistočne Azije, što se odražava kroz Pacific Step-Up i drugim inicijativama. Vlada osigurava oporavak u našoj regiji kroz:

- ulaganje u program vakcine za COVID-19 i zdravstvene zaštite u zemljama Pacifika i jugoistočne Azije.
- australsko tijelo zafinanciranje infrastrukture za Pacifik
- oporavak od COVID-19 — pomoć za Pacifik i Timor-Leste
- ostvarivanje sigurnosnih infrastrukturnih projekata u jugozapadnom Pacifiku